

札

樸

札樸第五目錄

覽古

貺

栽

資

軌

標籤

藝極

凹凸

危

效

喉脾

苦麻

搖舉

杪

枋

椶

緯素

主章

榛

靈及

鞏

答

佛拂

肤

眇

敕

繆經

卓驚

誇嚴

摩跌

詢詢

獸頭

諄高

鉤鑲

蘆頭

里十爲術

叢祠

獠騎

卯箕

體漢

兵馬司

龠

趺

甕城

橫刀

跨竈

唐權量

履歷

咄嗟

長尺大斗

珂

硖石

刀把

赤棒

縱縮

屠各

拍

寬韜

襍與平肩輿腰輿

累墜

賜惡姓

狂藥

尙書刪定郎

仰藥

簡練

恨恨

鵠岸

穉

蒟蒻

薜荔

藪

莖蕒

雞蘇

水芹

藟

豫章

杉楊

青桐

檟

稊

竹箭

苞筍

檳榔

鷺鷥

白鴈

朱雀

阜翬

鷓鴣

鴻鵠

鴈鴒

鵠

鴟

八哥

雉聞雷

系蹄

獬豸

麋

蜚

蛤

屈造

含脂墓

蜉

蝨賊

蛄蟪

蚌蟹

食脮

蜃

蟲蝻

魴

赤鯉

河洛魚

鮠

鮠鰓

鮪解

復絜

札樸第五目錄終

札樸卷五

曲阜 桂馥 未公

覽古

貺

說文無貺字而見於左傳者凡六七處隱十一年君若辱貺寡人僖十五年女承筐亦無貺也文四年君辱貺之成十二年貺之以大禮昭六年不敢求貺定九年吾貺子杜注竝云貺賜也襄十年其何貺如之杜注言見賜之厚無過此

裁

廣韻栽祖才切種也又倉代切築牆長版中庸上天之
載鄭注載讀曰栽謂生物也故栽者培之鄭注栽讀如
文王初載之載栽猶殖也今時人名草木之植曰栽築
牆立版亦曰栽馥謂栽種栽築古竝讀去聲

資

史記索隱引字苑資積財也案鄭注復卦云資貨而行
曰商又注地官司市云販夫販婦朝資夕賣

軌

淮南原道訓橫四維而含陰陽高誘注橫讀車枕之枕
案一切經音義云枕聲類作軌車下橫木也今車牀及

梯輦橫木皆曰枕是也

標籤

唐書馬懷素傳是時文籍盈漫籤牋紛舛馥謂標籤當爲幪幪字林幪識也幪幪

藝極

文六年左傳陳之藝極案晉語貪欲無藝韋注藝極也
凹凸

字苑凹陷也凸起也案蒼頡篇容鳥夾反墊下也突徒結反突也

危

春秋後語魏人將殺范痤痤登危而說案危當爲尸說
文尸屋相也秦謂之桷齊謂之尸

效

曲禮效馬效羊者右牽之注云效猶呈也文八年左傳
司城蕩意諸來奔效節於府人而出注云效猶致也昭
二十六年傳宣王有志而後效官注云效授也馥謂三
訓雖異而意實同

喉脾

易通卦驗人手陽明脈盛多病頭腫噎喉脾注云喉脾
字誤也當爲喉痹喉病爲痹馥案春秋考異郵痹在喉

壽命凶

苦窳

考工記辨其苦良齊語辨其功苦史記五帝本紀器不
苦窳荀子議兵篇械用兵革窳楛不便利者弱注云窳
器疾也音庾釋詁愉勞也郭注勞苦者多情愉今字或
作窳同馥案窳當爲窳說文窳本不勝末微弱也讀若
庾玉篇窳勞病也苦窳言器微弱不堅牢也

子華子佼麗之苦窳也而醜則堅牢詩四牡傳及采
薇箋竝云鹽不堅固也鵠羽傳云鹽不攻緻也正義
云鹽爲蠱字異義同馥謂苦楛鹽皆假借當爲蠱杜

注左傳皿器受蟲害者爲蠱是也

搖舉

漢書禮樂志將搖舉誰與期注云言當奮搖高舉馥案
搖舉猶言招搖周語好盡言以招人過莊子駢拇篇有
虞氏招仁義以撓天下皆以招爲揭舉律歷志體招搖
若永望

杪

西京賦杪木末薛綜注杪猶表也案說文杪木標末也
標木杪末也二字聲義相近賦以杪爲標故訓爲表禮
記投壺司射請爲勝者樹標

枋

廣韻蜀以木堰魚爲枋案元和郡縣志建安九年魏武在淇水口下大枋木爲堰因名枋頭

椴

類篇椴囚械也周禮封人設其楅衡鄭注元謂楅設於角衡設於鼻如椴狀也賈疏漢時有置於犬之上謂之椴故舉之以爲況衡者也馥案囚械俗作枷字施於項與牛之鼻衡不同然皆械也

緯耒

夏小正農緯厥耒沈約郊居賦緯東菑之故耜韓詩三

之日於耜三月之時可預取耒耜修繕之

主章

漢書百官表有章曹掾又有東閣主章令丞顏注主章掌大材也史記貨殖傳木千章地理志西河郡有千章縣

榛

詩鳴鳩其子在榛釋文榛木名也字林木叢生也說文榛木也一曰叢也徐鍇繫傳楮字云說文無榛字此卽榛字也一切經音義云說文榛叢木也是唐本有榛字矣羣書言榛叢者竝記於此廣雅木叢生曰榛服虔注

漢書榛木叢也高誘注淮南叢木曰榛高唐賦榛林鬱
盛李善注榛林栗林也此誤以爲栗栗之栗七啓於是
礪填谷塞榛藪平夷說苑其入榛藪刺虎豹者吾是以
知其勇也揚雄疑易羝羊觸藩其男童烏曰大人何不
言荷戟入榛王粲從軍詩城郭生榛棘左思招隱詩果
下自成榛謝靈運山居賦除榛伐竹潘岳關中詩荆棘
成榛天台賦披荒榛之蒙籠蕪城賦崩榛塞路五臣
注榛叢木也趙景真與嵇茂齊書披榛覓路劉氏新論
均任篇榛棘之柱不可負於廣廈宋書長沙景王道憐
傳有舊溝引泮水如陂不治積久樹木榛塞伐木開榛

水得通注舊唐書劉贊爲歙州刺史有老婦人捫拾榛
叢間猛獸將噬之搏獸救之說文叢卽叢字集韻叢或
作叢穀梁傳欂櫨木釋文作叢木檀弓叢塗龍輶以棹釋
文云叢才宮反正義云叢聚也宋玉招魂藂菅是食王
逸注柴棘爲藂

靈殳

漢書王莽傳剛卯注云或用桃著革帶佩之文云靈殳
四方又云化茲靈殳案韓詩外傳齊桓公出游見一丈
夫帶著桃殳桓公怪而問之丈夫對曰桃之爲言亾也
夫日日慎桃何患之有故亾國之社以戒諸侯庶人之

戒在於桃及

拳

廣韻拳曲也廣雅拳訓也淮南人間訓兵橫行天下而無所綣高注綣屈也漢書鉤弋婕妤兩手皆拳上自披之卽時伸詩大雅有卷者阿漢書劉向傳客星見昴卷之間卷謂卷舌星也拳綣拳卷義通

荅

古無荅字合卽荅也釋詁合對也宣二年左傳華元見叔牂曰子之馬然也對曰非馬也其人也旣合而來奔杜注合猶荅也叔牂言畢遂奔魯

丹封案爾正釋詁妃合會對也郭注云皆

相當對似非
對答之義

佛拂

易頤卦顙頤拂經於上頤詩大雅四方以無拂箋云拂
猶僂也言無復僂戾者文選長笛賦牢刺拂戾曲禮獻
鳥者佛其首鄭注佛戾也學記其施之也倖其求之也
佛正義云佛戾也馥案說文𢇛𢇛戾也佛拂𢇛聲相近
詩佛時仔肩論語佛肸孟子入則無法家拂士皆讀若
𢇛

肤

廣雅肤腫也案郭景純說爆牛云領上肉爆肤起高二

尺許一切經音義今江南言傾頭朕額乃以傾爲後枕
高朕之名也

眇

古妙字皆作眇眇小也漢書昭帝詔朕以眇身護保宗
廟是也易繫辭眇萬物而爲言荀子王制篇王者仁眇
天下義眇天下威眇天下楚辭九歌美要眇兮宜修漢
書元帝贊窮極幼眇

敕

釋詁敕勞也郭注倫理事務以相約敕亦爲勞馥案敕
當爲勅說文勅勞也隸體敕多作勅此又以敕爲勅

易噬嗑先王以明罰勅法釋文勅俗字也字林作敕
書勅天之命詩嗟嗟臣工傳云嗟嗟勅之也周禮詔
來瞽臯舞先鄭云來敕也漢韓勅字叔節程勅字伯
嚴並借勅爲敕

繆經

廣韻闔喪之降殺案檀弓衣衰而繆經正義云謂絞麻
爲經廣韻言降殺謂繆經也說文闔經繆殺也經繆皆
絞殺論語自經於溝瀆漢書孝成趙皇后傳卽自繆死

卓鷲

莊子在宥篇天下始喬詰卓鷲釋文云卓向音箴崔云

卓鷖行不平也馥案說文樊鷖不行也鷖類篇引作繫然則樊繫卽筭繫莊子假借字

誇嚴

史記曰者傳公見夫談士辯人乎慮事定計必是人也然不能以一言說人主意故言必稱先王語必道上古慮事定計飾先王之成功語其敗害以恐喜人主之志以求其欲多言誇嚴莫大於此矣徐廣曰嚴一作險馥謂嚴當爲諛說文諛誕也史記借嚴字

摩跌

文選舞賦跼蹐摩跌李善引字書跌足蹠也案一切經

音義引字書跌失蹠也戰國策人有置係蹄者而得虎
虎怒跌蹠而去後漢書邊讓傳修短靡跌注云跌蹠也

詢詢

廣韻詢衆語也案荀子解蔽篇聽漠漠以爲甸甸呂氏
春秋先識覽誠能決善衆雖誼譁而弗爲變功之難立
也其必由甸甸邪國之殘亾亦由此也故甸甸之中不
可不味也中主以之甸甸也止善賢主以之甸甸也立
功漢書東方朔傳君子不爲小人甸甸而易其行晉書
劉毅傳天下訥訥但爭品位

獸頭

神像大帶有獸頭卽鞞囊也晉書鄧收傳夢行水邊見一女子猛獸自後斷其鞞囊占者以斷鞞囊者新獸頭代故獸頭也馥案古者大帶皆有獸頭鞞囊班固與竇將軍箋固於張掖縣受虎頭繡鞞囊一雙東觀漢記鄧遵破諸羌賜金剛鮮卑緹帶一具虎頭鞞囊是也鄴中記石虎改虎頭鞞囊爲龍頭

莊二十一年左傳鄭伯之享王也王以后之鞞鑑予之杜注鞞帶而以鑑爲飾也馥謂男子飾以獸頭婦人飾以鑑

諺高

文選西京賦通天鈔以竦峙李善注通天臺名鈔高也
馥案鈔借字當爲朴說文朴相高也

鈎鑲

急就篇矛鋌鑲盾刃刀鈎釋名鈎鑲兩頭曰鈎中央曰
鑲案謝承後漢書江漢遷丹陽太守修整戰具鈎鑲刀
盾大戟長矛

蘆頭

今謂人淺爲蘆頭案說文蘆蘆菰也一曰薺根張有復
古編云蘆菰根似薺芑案名醫別錄薺芑根莖都似人
參而葉小異劉勰新論愚與直相像若薺芑之亂人參

潛夫論治疾當得人參反得支羅服馥謂蘆葍薺泥皆
與人參相亂故人參謂之蘆頭

里十爲術

管子度地篇百家爲里里十爲術術十爲州馥謂術當
爲遂學記術有序鄭注術當爲遂地官大司徒五縣爲
遂王國內有六鄉外有六遂月令審端徑術術亦當爲
遂地官遂人夫閒有遂遂上有徑

叢祠

秦策亦聞恒思有神叢與叢藉其神五日而叢枯七日
而叢亾高注叢樹也馥謂神叢卽叢祠

今雲南人於神祠殺牛飲血其相盟誓謂之牛叢

寮壻

廣韻寮壻長兒

又云寮壻長兒

案荀子賦論篇頭銛達而剽趙

繚者耶注云趙讀爲掉掉繚長兒

卯簔

木工穿鑿謂之卯簔晉書五行志舊爲屨者齒皆達橈上名曰露卯太元中忽不露齒曰陰卯文選千寶晉紀總論如室斯構而去其鑿契五臣注鑿契簔也

詩巨業維樅業所以飾簔縣鐘磬捷業如鋸齒契約亦刻齒故鑿契謂之簔陰卯俗呼悶簔

体漢

北方謂粗鈍人爲体漢案廣韻体麤兒又劣也蒲本切
今轉爲甫悶切通鑑唐懿宗葬文懿公主賜餅餽四十
橐駝以飼体夫注云体夫舉柩之士也

兵馬司

通鑑李克用囚康君立於馬步司注云唐末諸鎮皆於
馬步司置獄今謂之兵馬司馥案京師五城正副指揮
主刑不主兵而謂之兵馬司者猶沿舊稱歟

侖

釋名侖躍也氣躍出也漢律厯志侖者黃鐘律之實也

躍徵動氣而生物也

跂

莊子釋文引許慎云足指約中斷傷爲跂案說苑馬跂折而復行者何以輔足衆也

甕城

范祖禹曰張仁愿築三受降城不置甕門案唐書及通鑑竝作甕門胡身之注云門外築垣以遮甕城門今之甕城是也

橫刀

新唐書王及善傳除千牛衛將軍帝曰爾佩大橫刀在

朕側亦知此官貴乎通鑑唐太宗幸未央宮辟仗已過忽於草中見一人帶橫刀注云橫刀者用皮褰帶之刀橫於掖下案今

宮門侍衛及督撫輿前材官所帶者卽橫刀也

跨竈

馬能跨竈舊說不一淮南子黃帝治天下於是飛黃服阜方言梁宋齊楚北燕之間謂樜曰阜史記鄒陽傳牛馬同阜漢書音義食牛馬器以木作如槽莊子編之以阜棧釋文云阜樜也一云槽也昭十二年左傳康王跨之注云過其上玉篇跨越也馬生而越過阜非凡馬矣

竈借字也赭白馬賦跨中州之轍迹

唐權量

友人謂孫思邈千金方升合銖兩與今不同難以準用
案唐制凡量以柜黍中者容一千二百黍爲籥二籥爲
合十合爲升十升爲斗十斗爲斛凡權以柜黍中者百
黍之重爲銖二十四銖爲兩十六兩爲斤陳無擇曰二
十四銖爲兩每兩古文六銖錢四箇開元錢三箇至趙
宋廣科以開元錢十箇爲兩今之三兩得漢唐十兩明
矣。千金本草皆以古三兩爲今一兩

履歷

今之履歷古之脚色也通鑑隋虞世基掌選曹受納賄賂多者超越等倫無者注色而已注云注其入仕所歷之色也宋末參選者具脚色狀今謂之根脚

咄嗟

晉書石崇傳嘗爲客作豆粥咄嗟便辦案左思詠史詩俛仰生榮華咄嗟復凋枯此言蘇秦李斯忽而榮華忽而凋枯也莊子其疾也俯仰之間再撫四海之外王逸少蘭亭敘俯仰之間以爲陳迹曹子建翔風詩別如俯仰脫若三秋陶淵明讀山海經詩俯仰終宇宙不樂復何如馥謂咄嗟便辦猶言一呼卽至耳豆粥難成惟崇

家立具稱其疾也曹子建贈白馬王詩自顧非金石咄
嗒令心悲李善云說文咄叱也聲類嗒大呼也言人命
叱呼之間或至天喪也李密謂楊玄感曰若決機兩陣
之間暗鳴咄嗟使敵人震懼密不如公案李善所引出
字書又引說文咄咄相謂也一切經音義引同玉篇咄
叱也字林咄相呵也趙策威王勃然怒曰叱嗟而母婢
也叱嗟猶咄嗟也

長尺大斗

尺寸升斗皆後大於前今所存漢建初尺大於周尺宋
三司布帛尺又大於漢尺是也齊建武二年魏主改用

長尺大斗其法依漢志爲之案魏去漢已久其尺斗當大於漢乃依漢志改用而謂之長大是魏尺小於漢矣或者魏處遠荒猶存古制不似中原數爲改革惜乎魏之尺斗不可考矣

珂

通俗文馬勒節曰珂案隋制武官馬加珂其字從玉與螭珣同蓋蜃貝之屬類篇雕入海爲珂

硖石

硖石有兩處晉書劉牢之傳淮淝之役苻堅遣其弟融攻陷壽陽謝元使胡彬與牢之距之師次硖石水經注

淮水東過壽春縣北又北經山硤中謂之硤石案侯景
爲慕容紹宗所敗與腹心數騎自硤石濟淮又唐李世
勤帥步卒度淮拔壽陽次硤石是也通鑑爾朱榮自馬
渚西硤石夜渡注云五代志河南熊耳縣有後魏嶠縣
又有硤石山唐志陝州硤石縣本嶠縣有硤石隄通鑑
又云唐明皇幸東都過嶠谷道隘不治注云嶠谷在陝
州硤石縣又云羅士信襲王世充硤石堡拔之注云水
經注穀水又東經雍谷溪回岫縈紆石路阻硤故亦有
硤石之稱此又一硤石也

刀把

友人佩刀犀裝其把隆起十數圍余謂此古劍鹿盧遺製晉灼曰古長劍首以玉作井鹿盧形宋制諸侯王劍不得爲鹿盧形是也

赤棒

今督撫儀仗皆有紅杠卽古之赤棒也通鑑元魏故事中丞出與皇太子分路王公皆遙駐車去牛頓輒於地以待其過其或遲違則前驅以赤棒棒之又壽陽公主行犯清路赤棒卒呵之不止

縱縮

爾雅釋詁縱縮亂也郭注縱放掣縮皆亂法也說文縱

緩也。緇亂也。一曰蹴也。馥謂緩急皆不中度故亂。

屠各

古印有漢屠各率衆長魏屠各率善什長晉屠各率善什長余編繆篆分韻誤釋屠各案屠各羌之一種後漢書公孫瓚傳瓚子續爲屠各所殺通鑑魏金城邊固天水梁會據上邽東城反氏羌休官屠各皆起兵應固會注云休官屠各二種通鑑又云魏秦州屠各王法智聚衆二千推秦州主簿呂苟兒爲主改元建明置百官又云石虎阬五郡屠各五千餘人於洛陽注云屠各匈奴種前趙之族類也五郡屠各卽匈奴五部之衆通鑑又

云慕容農使趙秋說屠各畢聰聰與屠各卜勝等各率部衆數千赴之又云禿髮檀國入駭怨屠各成七兒因之作亂又云隴西屠各王景文叛魏署置王侯討平之徒其黨三千餘家於趙魏

隋煬帝詩呼韓頰頰至屠者接踵來屠卽屠各

拍

聖伯也。以神石為之。即詩所謂如星之流。左傳所謂如石之落也。此世謂之磁石者。生於有大穴。

通鑑淳於量吳明徹募軍中小艦令先出當西軍大艦受其拍西軍諸艦發拍皆盡然後量等以大艦拍之西軍艦皆碎注云戰船置拍竿發之以拍敵船通鑑又云程靈洗引大艦臨城發拍擊樓堞皆碎又云楊素造大

船三
艦上起樓五層高百餘尺左右前後置六拍竿竝高五十尺又云呂忠肅據荆門之延州楊素以拍竿碎其十餘艦馥案拍竿須預安機臨時發之旣發則機不及再安故西軍發拍皆盡也

寬韜

通鑑梁元帝作文章援筆立就常言我韜於文士注云今人謂器幣有餘用者爲寬韜馥案今俗言韜聲轉如潮其實皆綽之轉音也

襍輿平肩輿腰輿

通鑑梁南康王會理所乘襍輿施版屋冠以牛皮注云

襍普患反襍輿者輿捌施襍人以肩舉之又陸納推李
洪雅爲主使乘平肩輿列鼓吹又王導使琅邪王睿乘
肩輿注云平肩輿也以肩舉之而行齊江夏王寶元乘
八捌輿注云八捌輿蓋八人舉之卽今之平肩輿不惟
不蓋又梁譙州刺史徧發民丁使擔腰輿又唐元宗爲
褚無量造腰輿令內侍舁之馥謂輿不施襍肩舉橫木
故謂之平肩輿若轆上施襍襍加於肩故謂之襍輿腰
輿者人舉以行其高至腰也今北人推單輪車編麻韋
攀肩猶呼曰襍

韻集衣系曰襍庾信鏡賦幫斜假襍又羅紹威潛遣

人斷牙軍甲襍

累墜

世謂重遲者爲累墜當作僂誣說文僂嬾解廣雅僂嬾也又云疲也釋言誣誘累也列子注誣誘煩重兒

賜惡姓

古銅印有斬俞之印案斬非本姓蓋以罪賜惡姓也隋楊元感作亂弟元獎等皆梟磔公卿請改姓爲梟氏宋竟陵王誕旣誅詔貶姓畱氏梁豫章王綜投魏有司奏絕屬籍令其子改姓悖氏武陵王紀旣死上命絕屬籍賜姓饕餮氏北齊巴東王子響有罪絕屬籍易姓蚩氏

唐竇懷貞與太平公主謀逆投水死旣戮其尸改姓毒氏又改新興王晉之姓曰厲武后誅武惟良等諷有司改姓蝮氏又有改名者左傳楚滅若敖氏克黃自齊還使復其所改命曰生通鑑高句麗送宋晃於燕燕王赦之更名曰活又有改官者元魏宦者苻承祖坐贓禁錮改除悖義將軍封侯濁子

江西有袁氏辜氏皆賜姓今袁改爲衷辜猶未改信案永樂間有袁姓者上憎其名爲監改作衷見寄園寄所寄

狂藥

王倫之黨人人若狂口中但叫殺殺此皆飲藥使然通鑑元魏冀州沙門法慶以妖幻惑衆合狂藥令人服之父子兄弟不復相識唯以殺害爲事是也

尙書刪定郎

通鑑晉張斐杜預共注律三十卷齊永明九年詔獄官詳正舊注尙書刪定郎王植集定二注表奏之注云魏以來尙書諸曹無刪定郎此蓋刪定律注而置官複謂此說是也梁天監元年命尙書刪定郎濟陽蔡法度損益王植之集注舊律爲梁律陳永定元年置刪定郎治律令

仰藥

漢大臣有罪多仰藥死南史宋明帝遣使齎藥賜王景文死景文正與客棊酌酒謂客曰此酒不可相勸自仰而飲之此卽仰藥

簡練

秦策簡練以爲揣摩高注練濯治案當爲澗凍說文凍澗也考工記慌氏凍絲以浼水漚其絲七日去地尺暴之

恨恨

文選李陵詩恨恨不能辭五臣注恨恨相戀之情案恨

恨卽懇懇言誠欵也慕容翰謂逸豆歸追騎曰吾居汝國久恨恨不欲殺汝

鵲岸

杜注左傳鵲岸謂廬江舒縣鵲尾渚宋陶亮屯軍鵲洲通鑑注云鵲頭在宣城界鵲尾在廬江界鵲洲則江中之洲也馥案通鑑張興世渡湖白過鵲尾湖劉胡遣胡靈秀將兵於東岸翼之卽鵲岸也

通鑑劉胡帥輕舸四百由鵲頭內路欲攻錢溪注云鵲洲在江中江水分流故有內路外路

稱

說文糲早收穀也字或作糲又作糲楚詞招魂稻粢糲
麥王注稱擇也擇麥中先熟者也七發稱麥服處躁中
煩外吳都賦稱秀孤穗字又作糲傳元七謨糲麴若霜
蒟蒻

本草蒟蒻一名鬼芋類篇蒟蒻似芋可食酉陽雜俎蒟
蒻根大如椀至秋葉滴露隨滴生苗蜀都賦其園則有
蒟蒻茱萸劉涓子注云蒟蒻醬也蒟草也其根名蒟頭
馥案劉分蒟蒻爲二物與本草異益州記亦單稱蒟其
說云蒟之莖蜀人於冬月取以舂碎炙之水淋一宿爲
蒟

薜荔

說文草雨衣一曰蓑衣一曰草蓆似烏韭徐鍇本作草
歷似烏韭馥案草歷卽草荔山海經小華之山其草有
草荔狀如烏韭而生於石上亦緣木而生食之已心痛
郭注草荔香草也烏韭在屋者曰昔邪在牆者垣衣草
荔或作薜荔楚詞令薜荔以爲理兮憚舉趾而緣木王
注薜荔香草齊語身衣服襌韋注襌襌蓑薜衣也馥案
謂以薜荔爲蓑衣也楚詞緣木與山海經同王注薜荔
香草與郭注草荔同名醫別錄垣衣主治心煩柳子厚
詩密雨斜侵薜荔牆是皆以烏韭爲薜荔與山海經及

郭注不合

藪

釋草茝茝郭注今江東呼藕紹緒如指空中可啖者爲茝茝卽此類釋文云茝字又作茝廣雅云根也馥案玉篇藪黃茅根茝同上茝藪也今江東人呼藕根爲藪說文茅根也又案廣雅藪茝茝根也馥謂爾雅本作茝轉寫譌爲茝釋文兩存之廣雅藪卽藪之異文廣韻藪茅根

廣韻三十一巧藪字兩見一云草根亦竹筍也或作茝一云郭璞云江東呼藕根亦作茝馥謂此宋人據

誤本廣雅闕入者既有竹筍一訓又出箴字云筍竝
謬

莖蕒

釋草莖蕒殺牆郭注一名白蕒釋草又云蕒赤莧馥案
范子計然云蕒蕒出地赤心者善赤心言如赤莧也

維蘇

齊民要術引詩義疏譙沛人謂維蘇爲萊案方言蘇其
小者謂之蕒菜郭注莖菜也說文莖讀若釐又萊蔓華
爾雅作釐蔓華徐鍇謂釐萊音同然則維蘇爲萊者卽
郭注之莖菜也

水芹

舟過湖南食水菜極香美問其人曰水芹案楚辭江離也玉篇薺芎薺苗芎薺有山生水生二種此水芎薺也

藟

劉鴻臚京師寓齋有山蒲陶一架實小蓋藟也詩葛藟陸氏草木疏云似燕薺廣韻云葉似艾玉篇謂之藟藤毛詩題綱葛藟一名燕薺藤馥案燕薺實如龍眼黑色似藟而非藟也

唐書方技姜撫傳服常春藤使白髮還鬚甘守誠曰常春藤者千歲藟也

文六年左傳葛藟猶能庇其本根杜注葛之能藟蔓
繁滋者以本枝廕床之多馥案葛藟二草藟卽玉篇
之藟藤杜謂葛能藟蔓非是

豫章

漢書司馬相如傳其樹梗楠豫章顏注豫章二木生至
七年乃可分別案豫章一木也漢有豫章郡應劭云樹
生庭中遂以名郡禮斗威儀君乘木而王其政平則豫
章常爲生文選養生論譬猶豫章生七年然後可覺耳
李善引淮南子豫章之生七年可知延叔堅曰豫章與
枕木相似須七年乃可別耳集韻樛枕木名馥謂顏注

當云豫章枕二木今本脫枕字枕正作櫟說文櫟崑崙河隅之長木也

集韻樗木名似豫章其小似桃故生七年乃知馥案此又一似豫章之木

移楊

漢書揚雄傳皴桂椒鬱移楊顏注移唐棣也楊楊樹也馥案古今注移楊圓葉弱蒂微風大搖是移楊一木名小顏誤分爲二

青桐

袁州山中有木其葉乾黃至春不凋問土人云青桐也

案集韻桐橫牆木

當云牆橫木

蓋楨也說文楨剛木也書孔

傳楨當牆兩端者也唐書資州獻梅清桐二木合成連理說文梅枏也後人以爲酸果遂加可食二字不知枏梅乃六木非結果之某篇海桐高木也此豈可食之某所能連理者

櫟

廣韻櫟香木集韻作櫟案梁書林邑國出沈木香沈木者土人斫斷之積以歲年朽爛而心節獨在置水中則沈故名曰沈香次不沈不浮者曰櫟香也又狼牙脩國偏多櫟沈婆律香等

稊

長山徐君

迪行

曰楊春埽甲陟地如毛蟲俗呼沒事忙

乃木始萌也萌古讀如忙馥案易枯楊生稊王弼曰稊
楊之秀也說文無稊字傳寫脫漏文選風賦被稊楊柳
亦有稊夏小正柳稊是也桑楮皆有稊或借莢字謝靈
運登石門詩目玩三春莢從游京口詩原陞莢綠柳

夏小正三月委楊字或借作樟易通卦驗楊柳樟注
云樟讀如枯楊生稊狀如女桑委然也

竹箭

釋地東南之美者有會稽之竹箭焉劉淵林注吳都賦

云箭竹細小而勁實通竿無節戴凱之竹譜云箭竹高者不過一丈節閒三尺馥案劉所謂通竿無節者俗呼通天竹戴所謂節閒三尺者卽謝康樂山居賦注所傳苦箭大葉者也故字統云大身小葉曰竹小身大葉曰箭馥於雲南見箭竹葉長尺許寬二三寸高及丈

苞筍

東觀漢記馬援至荔浦見冬筍名苞筍上言禹貢厥苞橘柚疑謂是也馥案苞筍謂其筍叢生釋言苞稹孫炎云物叢生曰苞釋木如竹箭曰苞郭云筱竹性叢生

• 檳榔

南齊文獻王嶷臨終戒其子曰三日施靈惟香火槃水
千飯酒脯檳榔而已馥謂檳榔設供何殊嗜芟扶南國
傳獻璫瑁檳榔杵一枚上林賦仁頻并閭孟康曰仁頻
櫻也仙藥錄檳榔一名櫻李善曰仁頻卽檳榔

鷺鷥

舟行由江西至湖南見水中多小鴨沒水食魚了不畏
人案方言野鳬其小而好沒水中者南楚之外謂之鷺
鷥文選南都賦鷺鷥鷺鷥卽此鳥也

白鴈

定三年左傳唐成公有兩肅爽馬馬融云肅爽鴈也其

羽如練高首而修頸馬似之馥案歸藏云有鳧鴛鴦有鴈鸛鵒西京雜記司馬相如以所著鸛鵒裘就市人貰酒

五方神鳥西方鸛鵒西方色白或借以名白鴈

朱雀

四象朱雀居南方卽天文之朱鳥春秋孔演圖鳳爲火精在天爲朱雀馥案五方神鳥南方焦明鳳屬也焦明卽朱雀南方色赤故曰朱雀

阜翬

陸璣毛詩疏鸛一名阜翬白傳六帖作阜羣案陳藏器

本草人採巢取鵲子六十里旱能羣飛激雲雲散雨歇
陸疏亦云殺其子則一村致旱災是旱羣乃旱羣也廣
雅阜帔雀也阜帔與阜羣意同陸疏又似不誤

鵲鵲

釋鳥鵲郭注鵲鵲屬案鵲兼鵲稱郭氏不言所出亦
似望文爲義訓鵲爲鵲耳鵲當爲鵲乃雕也詩小毖肇
允彼桃蟲傳云桃蟲鵲也箋云鵲之所爲鳥題眉也陸
璣疏云今鵲鵲是也其雛化而爲鵲故俗語鵲鵲生鵲
鵲謂爾雅之鵲卽毛鄭之鵲爾雅之鵲卽陸疏之鵲借
鵲爲鵲

鴻鵠

陸璣詩疏鴻鵠羽毛光澤純白馥案亦單稱鴻顏注意
就篇鴻水鳥也其色正白盧思道孤鴻賦振雪羽而臨
風掩霜毛而候旭是也又單稱鵠莊子天運篇夫鵠不
日浴而白漢書司馬相如傳弋白鵠是也江淹上建平
王書鴻亭之鬼卽列異傳之鵠奔亭

鴈鳩

釋鳥鴈鳩鴈郭注短尾案許注淮南原道訓云屈讀
如秋雞無尾屈之屈馥謂短尾故名鴈鳩

鴈

玉篇鵠鷹鵠二年色素魏彥深鷹賦寅生酉就總號爲
黃二周作鵠千日成蒼

鵠

秋冬之際每聞鳴鏑聲乃鵠噉曹景宗所謂箭如餓鵠
叫是也鵠鷹類尾齊廟殿鵠尾象之喜回翔而不甚高
俗呼餓狼鵠

白帖鵠不飲井及泉水惟雨中潤翮則得水飲

唐會要漢柏梁殿災後越巫言海中有虬魚尾似鵠
激浪卽雨遂作其象於屋以厭火祥時人遂謂之鵠
吻

八哥

前人詩花名十姊妹鳥號八哥兒案字書鸚鵡謂之咧
咧鳥戴侗說鸚鵡云南人以白者爲鸚鵡綠者爲鸚哥
然則八哥者咧哥也

雉聞雷

夏小正正月雉震响傳云正月必雷雷不必聞惟雉爲
必聞之何以謂之雷則雉震响相識以雷說文雉雄雉
鳴也雷始動雉鳴而雉其頸漢書五行志雉者聽察先
聞雷聲故月令以紀氣月令章句雷在地中雉性精剛
故獨知之應而鳴也公羊解詁周之三月夏之正月雷

當聞於地中其雉雉論衡雷動而雉驚啟蟄而蛇出感陽氣也馥案雉能聞地中之雷者雉爲蛇所化龍蛇知雷故雉獨聞雷晉書武庫封閉甚密其中忽聞雉雉張華曰此必蛇化也開視之雉側有蛇蛻焉異苑太元中汝南人伐竹見一竹中央蛇形已成吳郡桐廬民伐竹見一宿竿成雉頭頸盡就蛇身未變此亦竹爲蛇蛇爲雉也

系蹄

萊州獵者以繩縳獸足初縱之旣復牽制之待其疲而後獲之嘗縳一貍貍急自齧斷其脰亾去余聞而歎曰

貌之智足以保其軀矣戰國策魏魁謂建信君曰人有
置係蹄者而得虎虎怒跌蹠而去虎之情非不愛其蹠
也然而不以環寸之蹠害七尺之軀有權也延叔堅注
云係蹄獸絆也

獠豚

郭注釋獸云獠豚也又云猩猩狀如獠狍又注方言云
獠豚也案高注淮南齊俗訓云獠獠豚鄭注地官草人
云獠獠也

麋

余在大理有人遺鹿肉甚美叩其從來獵人得於點蒼

山中似鹿而大蓋麋也陸璣詩疏引林麓山下人語曰
四足之美有麋兩足之美有鵠

蛭

廣雅蚘苦龔胡蛭鼃蝦蟆也案蛭卽蚘蛭一切經音義
云蚘蛭字書云淮南名去父卽蟾蜍也

蛤

蘇長公嶺南詩稻涼初吠蛤案嶺表錄異嶺南呼蝦蟇
爲蛤有人見羣蛤走入地中掘之得銅鼓其紋象蝦蟇
形是也

屈造

夏小正鳴蜮傳云蜮也者或曰屈造之屬也淮南云鼓造辟兵高注以爲蝦蟆文子上德篇蟾諸辟兵壽盡五月之望周禮蝮氏先鄭云蝮讀如蜮蝦蟆也

含脂蟄

蟄在京師孔定州招食含脂蟄是關東蝦蟄腹中脂也後看太平寰宇記亦云關東食此物案說文蠃水蟲也葦貉之民食之集韻蠃蠃類似蜘蛛出遼東土人食之又蠃蠃似蠃出遼東又蠃蠃似蠃蠃肉美多膏馥謂所食卽蠃蠃也

蜮

博物志食桑者有緒而蠟蠟先孕而後交荀子蛹以爲母
蠟以爲父釋蟲蠅蛹孫炎云蠅卽是雄蛹卽是雌馥案蠶婦謂繭之形長而首銳者出雄蛾卽蠟也

蠹賊

後漢書岑彭傳與人歌曰我有蠹賊岑君遏之章懷注云蠹賊食禾稼蟲名以喻姦吏侵漁也案說文蠹蟲食艸根者吏抵冒取民財則生京房易傳臣安祿茲謂貪厥災蟲蟲食根李巡曰蠹食禾根者言其稅取萬民財貨故云蠹也馥謂蠹賊之生由於吏之貪冒岑君能察吏故遏止使不生非借喻也

三
鉞蟪

一切經音義今江南通謂螽蟪之類曰蟪亦曰鉞蟪馥案陸璣詩疏螽蟪蛸也揚雄云春黍也幽州人謂之春箕

蚌蠶

玉篇蚌蚌蠶也蠶蚌也蚌也廣雅蚌蠶蛸蛸蚌也篇海蚌蠶可以飾劍晉書輿服志漢制百官朝帶劍晉始代之以木貴者猶用玉首賤者亦用蚌

食脰

太平御覽引王瓚問螳蜋燕趙之際謂之食脰郭注方

言螳蜋又名齖齖高注呂覽作齖疣本草桑螵蛸一名
蝕肌案肌疣古今字謂贅肌也螵蛸能治肌故名蝕肌
作齖者誤也

蠨

玉篇蟹井中蟲廣韻作蠨云蠨蛸蟲束皙立居釋羽族
翔林蠨蛸赴溼馥案蠨當作子卽子子蟲郭注爾雅所
謂井中小赤蟲是也

虫蝮

虫蝮有數種爾雅蝮池博三寸首大如擘此土虫也陶
注本草蝮蛇黃黑色廣頷尖口毒最烈陳藏器云蝮蛇

形短鼻反錦文詩斯干維虺維蛇正義云今蛇細頸大頭如綬文文間有毛似豬鬃鼻上有鍼大者長七八尺一名反鼻山海經蜺翼之山多蝮虫郭注蝮虫色如綬鼻有鍼大者百餘斤一名反鼻又大咸之山有長蛇其毛如毳豪郭注今蝮蛇色似艾綬文文間有毛如豬鬃此其類也圖讚云蛇之殊狀其名爲虺其尾似頭其頭似尾虎豹可踐此蛇忌履三蒼解詁蝮蛇色如綬文文間有鬣鼻上有鍼大者長七八尺有牙最毒鄭司農說周禮云地慝地所生惡物害人者若虺蝮之屬楚詞招魂蝮蛇蓁蓁王逸注蝮大蛇也大招王虺騫只王注大

蛇淮南說林訓蝮蛇不可使爲足高注蝮蛇有毒螫人不可爲足爲足益甚漢書田儼傳蝮蝨手則斬手蠹足則斬足何者爲害於身也魏志陳泰傳古人有言蝮蛇螫手壯士解其腕鹽鐵論蝮蛇有螫人忌而不敢輕博物志蝮蛇秋月毒盛無所螫螫齧草木以泄其氣草木卽死人樵采設爲草木所傷刺者亦殺人抱朴子蛇種雖多惟有蝮蛇及青金蛇中人爲至急一日不治則殺人若不曉方術而爲此蛇所中但以刀割瘡肉投地其肉沸如火炙須臾焦盡而人得活也論衡言毒篇天下萬物含太陽氣而生者皆有有毒螫辰爲龍巳爲蛇辰巳

之位。在東南。龍有毒。蛇有螫。故蝮有利牙。龍有逆鱗。夫毒陽氣也。故其中人若火灼。人或爲蝮所中。割肉置地。焦沸火氣之驗也。元和郡縣志。駱谷中多反鼻蛇。青犢蛇。一名焦尾蛇。常登竹木上。能十數步。犢人入中。此蛇者。卽須斷肌去毒。不然立死。孔叢子云。梁丘據遇中毒。三旬而後。瘳搜神記。阮瑀傷於虺。鯢其瘡而雙虺出。鼻中。郡國志。馬嶺山嶠多虺。蛇毒殺人有冷石可以解之。屑著瘡內。卽活。易林。江南多蝮。螫我手足。寬煩詰屈。痛徹心腹。又云。虺蛇來聚。難以居處。毒螫痛甚。瘡不可愈。此南方所出之大虫也。爾雅釋地中有軼首蛇焉。郭注。

歧頭蛇也楚詞天問中央共牧后何怒王注言中央之
州有歧首之蛇爭共食牧草之實自相啄嚙顏氏家訓
吾初讀莊子蝮二首韓非子蝮有蝮者一身兩口爭食
相齧遂相殺也茫然不識此字何音後見古今字譜此
亦古之虺字積年疑滯豁然霧解此歧首之虫也楚詞
招魂雄虺九首往來儵忽吞人以益其心些此九首之
虫也

魴

以魴爲魴始誤於詩毛傳魚勞則尾赤之一語孔疏遂
斷云魴尾本不赤獨說文以魴爲赤尾魚余在沅江買

得一魚鱗白而尾赤肉細多脂形似赤鯉此真魴也益信許說有據郭璞陸璣竝失之釋魚魴魴魴大鰭爾雅何嘗以魴爲魴耶古今注白魚雄者曰魴余所得卽雄者重四斤非魴而何今之魴豈無勞者絕不見赤尾是知魴魴不同物矣

赤鯉

鯉鱣也今赤鯉冒鯉之名猶蛇鰻冒鰻之名姑舉赤鯉數條玉篇鯉今赤鰻急就篇鯉鰻蟹鰻鮐鰻鰻顏注鯉卽今之鯉魚也本草圖經鯉魚卽赤鯉魚也其脊中鱗一道每鱗上皆有小黑點從頭數至尾無大小皆三十

六鱗古語云五尺之鯉與一寸之鯉大小雖殊而鱗之數等是也爾雅翼云案是脇正中一道爾非脊也古今注兗州人謂赤鯉爲赤鱗青鯉爲青馬黑鯉爲黑駒白鯉爲白騏黃鯉爲黃騅馥案魯君賜孔子鯉不出此數種古詩呼童烹鯉魚中有尺素書淮南時則訓孟春之月魚上負冰獺祭魚許注皆云鯉也

河洛魚

海魚有名河洛者譌呼也張融海賦則有何懼鱮鮓

鮓

玉篇鮓與鰓同魚似蛇後漢書楊震傳蛇鰓卿大夫服

之象說文蟹下云非蛇鰻之穴無所庇南齊書周顒傳
鰻之就肺繫於屈伸馥案蛇鰻人所恒食多誤書作鰻
或作鰻不知其爲鰻也

鰻鰻

說苑南瑒子過程太子太子爲烹鰻魚南瑒子曰吾聞
君子不食鰻魚馥案鰻名人魚故不忍食異物志人魚
似人形是也韓詩外傳作鰻魚案本草鰻魚鰻鰻故通
作鰻

鰻鰻

晉書夏統傳操施正櫓折旋中流初作鰻鰻躍後作鰻

鮓引何超音義引埤蒼鮓鮓魚也又引說文鮓魚出樂浪潘國一名江豚多膏少肉一曰出江有兩乳徐鍇說文本云一曰溲浮徐鉉本削去一曰四字廣雅鮓鮓也本草江豚別名鮓魚魏武食制謂之鮓鮓廣韻鮓鮓魚名亦作鮓又江豚別名天欲風則見

復累

爾雅釋文引說文魁蠃一名復累老服翼所化案中山經青要之山北望河曲是多僕累蒲盧郭注僕累蝸牛也又西山經上時之水其中多羸母郭注蟻螺也

札樸第五

山陰 李信 校正